

ایویننگ گو جری نیو ز بلیٹن مو رخہ 22 جون 2025

- 1★. این آئی اے نے پہلگام دہشت گردانہ حملہ مانہ ملوٹ دہشت گرداں نانہ پناہ دین غی پادش مانہ 2 افراد نانہ گرفتار کر ليو ہے۔
- 2★. شمالی کشمیر غا بندواڑہ مانہ مقبوضہ کشمیر تیں دہشت گردانہ سرگرمیاں نانہ چلان آلا 2 افراد غی جائداد ضبط کی گئی ہیں۔
- 3★. فوج غا سربراہ جنرل اوپندرا دوی ویدی نے آئندہ امرناتھ یا ترہ تیں پہلاں کشمیر مانہ سلامتی صورتحال غو جائزو ليو ہے۔
- 4★. ٹرانسپورٹ محکمہ غا وزیر ستیش شرما غو کہنو ہے جے جموں کشمیر غی بہتر ماحولیاتی صورتحال تمام فریقان غی کوششاں سنگ ہی ممکن ہو سکے
- 5★. تے محکمہ موسمیات نے پہلک تے 24 جون نانہ جموں کشمیر گجھ حصار مانہ ہلکی بارشاں غی پیشنگوئی کی ہے۔

NIA Arrests

قومی تحقیقاتی ایجنسی این آئی اے نے پہلگام دہشت گردانہ حملہ مانہ ملوٹ دہشت گرداں نانہ پناہ دین غا الزام مانہ دو افراد نانہ گرفتار کر ليو ہے۔ واضح رہے جے پہلگام حملہ مانہ 26 معصوم شہری ہلاک جد کہ 16 دوجا زخمی ہو گیا تھا۔ بھٹ کوٹ غا بسنیک پرویز احمد جوتھار تے بل پارک پہلگام غا بسنیک بشیر احمد جو تھار نے اس حملہ مانہ ملوٹ 3 دہشت گرداں غی پشان ظاہر کی ہے۔ انہاں نے اس گل غی وی تصدیق کی ہے جے ان دہشت گرداں غو تعلق پاکستانی شدت پسند تنظیم لشکرِ طیبہ سنگ ہے۔ اس دہشت گردانہ حملہ با رے جاری تحقیقات مانہ ان افراد غی گرفتاری سنگ اک نمایاں پیش رفت ہون غو دعویٰ کیو گیو ہے۔

Properties Attached

دہشت گردی تے مُلک دشمن عنا صر غے خلاف اک اہم کا روائی مانہ بندواڑہ پولیس نے ضلع پولیس کپواڑہ غا مُنبل علاقہ نال تعلق رکھن آلا 2 افراد غی غیر منقولہ جائیداد ضبط کی ہیں۔ یہ دوئے افراد اک لَمّا عرصہ تیں زیر التوا دہشت گردی غا مقدمہ مانہ ملزم ہیں۔ جن ملزماں غی جائیداد ضبط کی گئی ہیں ان مانہ محمد شفیع بارا ولد ساورا بارا ساکن مونبل تے غلام مصطفیٰ ولد الف الدین ساکن مونبل بندواڑہ شامل ہیں۔ یہ دوئے ملزم پاکستان چلے گیا تھا تے اُس تیں بعد وے دہشت گردی نانہ فروغ دین،

سرحد پا رتیں دہشت گردی غے متعلق سرگرمیاں نانہہ مربوط کرن تے خطہ مانہہ دہشت گردی غا متا سارا واقعات نانہہ منظم کرن مانہہ سرگرم عمل ربیا ہیں۔

Army Chief Kashmir Visit

فوج غا سربراہ اوپندر دوی ویدی نے کشمیر مانہہ آئندہ امرناتھ یا ترہ تیں پہلاں حفاظتی بندو بست غو جائزو لیو ہے۔ آپنا اس دورہ غے دوران انہاں نے فوج غی پیشہ وارانہ تیاریاں تے سلامتی نانہہ درپیش للکاراں غو جائزو لیتاں واں اعلیٰ سطحی نگرانی بنایا رکھن ور زور پایو۔ جنرل دیوی ویدی نے ٹیکنالوجی ور مبنی نگرانی نظام تے تیز تردد عمل ظاہر کرن آلا نظام غی نمائش غو وی معائنو کیو۔ واضح رہ جے یہ نظام آئندہ امرناتھ یا ترہ غے دوران یا تریاں غی حفاظت یقینی بنان غا مقصد سنگ تیار رکھیا گیا ایں۔ اُن غا اس دورہ تیں امرناتھ یا ترہ بہتر تے محفوظ طریقہ سنگ یقینی بنایا جان با رہے فوج غا عہد نانہہ ظاہر کرے۔ یا ترہ نانہہ بلا رکا وٹ، بہتر طریقہ سنگ کرایا جان مانہہ فوج دوجی سلامتی ایجنسیاں تے سول انتظامیہ سنگ نزدیکی رابطو قائم رکھے گی۔

SANJY Preparations

امرناتھ یا ترہ سال 2025 شروع ہون مانہہ چھڑا 11 دن باقی رہتاں واں ضلع بانڈی پورہ غا شادی پورہ راہ داری کیمپ ور تیاریاں غو سلسلو جا ری ہے۔ بانڈی پورہ غا ڈپٹی کمشنر منظور احمد قادری نے دسیو ہے جے یا تریاں غا آن جان تے اُن غا ٹھہرن واسطے مہیا کی جان آلی سہولتاں نانہہ بُن آخری شکل دتی جا رہی ہے۔ رابداری کیمپ غے آندر تے اس غے چوفیرے سی سی ٹی وی کیمرا نصب کیا گیا ایں۔ تیز وغیرہ غی دیواراں غا مرمتی کم تے متعلقہ دوجا کم جا ری ہیں۔ صحت، صفائی ستھرائی، پین غا پانی تے مرداں تے عورتاں واسطے علیحدہ علیحدہ بیت الخلائی غی سہولت تے قیام وغیرہ غی سہولت قائم کی جا رہی ہے۔ اس با رہے جانکاری دیتاں واں بانڈی پورہ غا ڈپٹی کمشنر منظور احمد قادری نے دسیو۔ بائٹ۔

Special Feature 11 years

بھارت مانہہ گذشتہ 11 بہراں غے دوران خدمت، بہتر انتظامیہ تے غریب طبقہ غی بہبود ور مبنی اصولاں ور عمل کرتاں واں خاصوبدلاؤ دیکھیو جا رہیو ہے۔ آکاشوانی نیوز گذشتہ 11 بہراں غے دوران اہم سیکٹراں مانہہ بہتری غی خاطر سرکار غی کوششاں ور مبنی اک خصوصی فیچر پیش کر رہیو ہے۔ آج غو موضوع ہے ”بھارت غو توانائی شعبہ مانہہ انقلاب“ مقرر کیو گیو ہے۔ گذشتہ دہائی غے دوران بھارت غا توانائی سیکٹر مانہہ خاصی ترقی ہوئی ہے۔ جہیڑی توانائی غی بدھتی مانگ، ترقیاتی ڈھانچہ مانہہ خاطر خواہ فروغ تے روایتی اور قابل تجدید توانائی غا وسائل با رہے مضبوط پالیسی

تعاون سنگ ممکن ہو سکی ہے۔ جون 2025 توڑی بھارت غی بجلی پیدہ کرن غی کُل صلاحیت 4 سو 76 گیگا واٹ توڑی جا پُجی ہے۔ جس وچوں آدھی پیداوار نان فا سل ایندھن غا ذریعہاں تیں حاصل کی جا رہی ہے۔ 2 سو 26 گیگا واٹ پیداوار قابلِ تجدید توانائی تیں حاصل کی جا رہی ہے۔ جد کہ شمسی توانائی غا شعبہ مانہ عالمی سطح ور بھارت غو تیجو مقام ہے۔ اس راہ سال 2018 توڑی مُلک غا 100 فیصدی گرائیاں نانہ بجلی مہیا کرائی جا چکی تھی۔ تے سال 2018 تیں بُن توڑی 2 کروڑ 80 لکھ مزید بجلی غا کنیکشن مہیا کرایا جا چکا ہیں۔ وزیر اعظم سوریا گھریوجنا غے تحت پورا مُلک مانہ رہا ئشی کہراں توڑی روشنی مہیا کرائی گئی ہے۔ جد کہ پی ایم کُسم سکیم غی مدد سنگ کساناں نانہ شمسی توانائی غے ذریعے آپاشی غی سہولت مہیا کرائی جا رہی ہے۔

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو با ئل ایپ تے ڈی ٹی ایچ ور وی دستیاب ہیں)

Satish Plantation Drive

ماحولیاتی استحکام نانہ فروغ دین گا مقصد نال ٹرانسپو رٹ محکمہ غا وزیر ستیش شرما نے اج بیرا نگر مانہ اک جامع شجر کاری مہم غو افتتاح کیو۔ محکمہ جنگلات غا تعاون نال منعقدہ شجرکاری غی تقریب مانہ طالب علماں، رضاکار نوجواناں، ماحولیات غا ماہرین، سرکاری عہدیداراں تے سول سوسائٹی غا اراکین نے شرکت کی۔ اس موقع ور ایم ایل اے بیرا نگر تے کئی سرکردہ مقامی معززین وی موجود تھا۔ جن نے اس مقصد واسطے اپنو بھرپور تعاون دتو۔ تقریب مانہ خطاب کرتاں واں وزیر ستیش شرما نے کہیو جے جموں کشمیر غی ماحولیاتی صحت بارے خاص طور ور بیرا نگر جیسا علاقہ مانہ جت اک نازک ماحولیاتی توازن ہے مانہ تمام لوکاں نانہ بوٹا لا غے ماحولیاتی توازن نانہ برقرار رکھن واسطے مسلسل تے پُر عزم کوشش کرن غی ضرورت ہے۔

Op Sindh

اوپریشن سندھو غے تحت ایران تیں اک ہزار 1 سو 17 بھارتی شہریاں نانہ وطن واپس آئیو گیو ہے تے ایران غا مشہاد تیں اک خصوصی پرواز غے ذریعے 290 بھارتی شہری دہلی واپس آگیا ہیں۔ گذشتہ شام وی مشاہد تیں ہی 310 بھارتی شہری خصوصی پرواز غے ذریعے دہلی پُجیا تھا۔ اسے دوران نیپال تے سری لنکا نے جنگ زدہ

ایران تیں اوپریشن سِندھو غے ذریعے اُن غا شہریاں نانہہ لیان مانہہ مدد کیا جان غو شکرپو ادا کیو ہے۔

Motivitional Lecture

نوجواناں مانہہ نظم و ضبط، حب الوطنی تے عزم غو جذبو پیدا کرن تے مُلک واسطے مثبت کردار ادا کرن تے مشکلات تے مسائل نانہہ ترقی غا موقع غے طور و ر قبول کرن غی ترغیب دین واسطے فوج نے اِک لیکچر غو انعقاد کیو۔ یوہ لیکچر 4 راشٹریہ رائفل غا سی او کرنل یوگیش چوبان نے دتو۔ لعل دید آڈیٹوریم مانہہ تحریکی لیکچر مانہہ جموں یونیورسٹی غا بھدرواہ کیمپس غا 250 طلباء تے فیکلٹی ممبراں نے حصو لیو۔ لیکچر غے دوران کرنل چوبان نے اپنو ذاتی تجربو سانجھو کرتاں واں دسیو جے اُنہاں نے اپنو مقصد حاصل کرن غی خاطر کس طرح سیڑھی چڑھیں۔ اِت گل کرتاں واں اُرویشی شرما تے نکشیکا جموال نے دسیو۔ بائٹ۔

BGSBU

بابا غلام شاہ بادشاہ یونیورسٹی غا شعبہ اقتصادیات نے اکنامیکس پروگرام مانہہ اک نوو بی اے آنرز غو آغاز کیو ہے۔ یوہ شعبو پہلاں تیں بی اکنامکس مانہہ ایم اے تے پی ایچ ڈی کرا ریو ہے تے اکنامکس مانہہ بی اے آنرز غو آغاز اِک اہم سنگ میل غی نشاندہی کرے۔ نوو متعارف کرایو گیو انڈر گریجوٹ کو رس اک جامع تعلیمی رستو فراہم کرن واسطے تشکیل دتو گیو ہے۔ جھیڑو بغیر کسے رکا وٹ غے معیاشیات غا بنیا دی، نظر یاتی، تے عملی پہلواں نانہہ جوڑے۔ یوہ پروگرام اُن طلباء واسطے ہے جہڑا مضمون غی ڈونگائی نال واقفیت، بہتر مستقبل غا مضبوط امکانات تے اعلیٰ تعلیم غا حصول واسطے ٹھوس بنیاد رکھیں۔ نواں متعارف کرایا گیا کو رس با رے مزید معلومات دیتاں واں ڈاکٹر شوکت میر نے کہیو۔ بائٹ۔

Weather

محکمہ موسمیات نے جموں کشمیر مانہہ پلک تے 24 جون نانہہ کجھ جگہاں ور بلکی بارش ہون جد کہ 25 تیں 27 جون تک کئی جگہاں ور گرج چمک نال بارش ہون غی پیشنگوئی کی ہے۔ حُکام نے لوکاں نانہہ مشورو دتو ہے جے وے چوکنا رہیں تے اس موسم غے دوران پہاڑی رستاں ور غیر ضروری سفر کرن تیں گریز کریں۔ لوکاں نانہہ یاہ وی ہدایت دتی گئی ہے جے وے سفر کرن غی صورت مانہہ تمام ضروری سڑک ور حفاظت با رے احتیاطی تدابیراں ور عمل کریں۔ مزید جانکاری دیتاں واں ماہر موسمیات ایم ای ڈی سرینگر محمد حسین میر نے اس طرح کہیو۔ بائٹ۔
